

月滿樓詩別集



月滿樓詩別集

顧宗泰著

中華書局

叢書集成初編

月滿樓詩別集

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

月滿樓詩別集

此據讀畫齋叢書
本排印初編各叢
書僅有此本

月滿樓詩別集卷一

晉十六國詠史詩

元和顧宗秦景嶽

十六國割據晉土。乘晉之衰。流毒中原。稱帝稱王。縱橫恣亂。二趙則據平陽。據襄國。三秦則據長安。據金城。五涼則據涼州。據姑臧。據廣武。據張掖。據燉煌。四燕則據鄴。據中山。據昌黎。據廣固。成則據蜀。夏則據朔方。其間稍知奉晉如姚氏張氏者鮮。弋仲語其子。我死當歸晉。盡節。張軌歷三世。尙能勉守忠貞。餘皆包藏禍心。日圖寇擾。蓋晉去州郡武備。諸戎又不徙邊。內患多而外侮集。東西凡一百五十六年。十六國之亂。實與晉相終始焉。諸國政有興替。祚有長短。禍有遲速。亦緣其主之自致。總之不仁得國。道難久安。順守之且不足。況淫虐乎。余覽崔鴻十六國春秋。一一參證史事。仿詠史例。作詩一卷。分國按時。臚陳僭亂。慨然晉遭諸戎之禍。而天下遂于是分南北也。天運使然。豈非人事歟。

漢趙三世共二十六年。

劉淵匈奴人國號漢。據平陽。僭帝號。元熙。永鳳。河瑞。凡六年。

左國城邊肇漢都。控絃十萬大單于。手文現海驚殊表。母夢徵魚震異符。五部魏分戎是首。八王晉患覺堪圖。此人天豈虛生者。虎豹從教踏紫衢。

九天飛鳳集層臺。雄瞰西河竊據來。徐豫冀燕規大略。陸隨絳灌擅兼才。初教洛土朋游合。終遣匈奴帝號開。安樂追尊劉氏祖。詎從冒頓溯根荄。

劉聰淵弟弒淵子自立。攻晉。弒懷愍。僭號元興。嘉平。建元。麟嘉凡八年。

變生寄坐婦宮闈。元改光興自立威。洛水萬人嗟白骨。晉家二帝泣青衣。宮中異孕蛇兼虎。殿上義冠犬與豨。空說文辭如學士。柘弓銀硯記依稀。不見黃門奏決秋。官家耽宴儘無愁。嬖多尙少鵷儀起。子盡偏難螽羽留。珉雋忠良空被禍。又恭兄弟枉懷憂。老成最見陳元達。折檻孤忠諫不休。

流星化肉隕平陽。百鬼啾啾夜未央。光極殿中徵相國。蒙珠國裏見先王。一囊密授期非遠。六璽空歸數豈長。假手逆奴遭刼慘。中原屠戮報初償。

劉曜聰族子。因新準滅聰子粲。篡位遂殺準自立。改國曰趙。僭號光初。凡十二年。子熙嗣。爲石虎滅。

雄才貫鐵力能殫。十五年來久據鞍。彌安讓勳平洛土。允緒伏罪陷長安。劉家舊革先人廟。趙氏新禪上帝壇。赤壁光初登極後。入關曾否惕艱難。

妖言左右斬批鱗。羊后椒宮擅寵新。彼貴不能一婦庇。當今始有丈夫真。花前飲博耽娛樂。塞上軍戎怨苦辛。變駭西明門外路。蒼天裂石樹爲人。

氏羌巴羯討俱平。自謂雄圖莫與爭。稍潰金墉增憤激。差攻蒲阪幸縱橫。洛西斗酒乘昏戰。馬北冰渠失陷傾。擒若匹夫輕喪績。上邽餘燼更何成。

後趙六世共三十二年。

石勒羯人。劉聰臣。據襄國。僭帝號太平。凡十六年。

鼓角聲中拜鹿年。盜才乘運獨爭先。三臺早據軍方振。十郡何封帝冰自。專許靈昌逾洛水。枚銜鞏營破秦川。騎兵四萬稱雄夕。白氣郊南竟燭天。

霸圖自古重軍謀。君子營前倚右侯。威望劉琨奔失據。風流王衍執包羞。新崇黃屋聲名啓。高鬱靈臺俊彥收。不記漚麻池畔忿。老拳久釋布衣讎。

自詡英雄磊落胸。酒酣饗士較前蹤。龍興孰競高光烈。狐媚偏嗤曹馬兇。羌落風聲方遠略。蕭牆心腹奈憂驚。西鄉蛇鼠肥鄉石。變應中山兆鞠訕。

石弘勒子。僭號延熙。凡一年。

大雅愔愔豈不君。將家之子又多聞。弓藏若果誅韓信。鼎定何妨嗣孝文。漫召金戈充宿衛。徒煩玉璽賞前軍。婢兒黃吻無留種。禪讓寧酬百戰勳。

石虎勒族。殺弘自立。僭號建武太寧。凡十五年。

廿載曾親矢石勞。破車犢子逞雄豪。生靈百萬供營繕。堅甲東南事驛騶。洛水銅駝秋月遠。鄴宮玉壁夜

星高天崩地陷愁何用。芝蓋華林逐獸翽。
武鄉雄虎變爲雌。棘子成林歎已遲。姚弋仲存空有骨。佛圖澄死已無尸。挽衣孫子臺前僂。持斧軍徒關外馳。司馬笑人偏速禍。阻兵安忍及身悲。

石世石遵石鑒世虎子。在位二月。兄遵弑。弟自立。六月。又爲弟鑒所弑。鑒弑兄自立。僭號青龍。凡四月。又爲冉閔所弑。

金門門外陟凌霄。耀武旌旗氣更驕。半載易棋三子盡。合家血刃萬魂銷。積殃差爲中原報。受慘方知天道昭。繼趙代興同敗轍。朱龍終遣困崇朝。

石閔閔本姓冉。內黃人。爲虎之養孫。弑鑒并殺盡石種自立。改號曰魏。爲慕容儁所滅。

累世牙門屬冉家。如孫卵翼健才誇。議誅孟準謀空建。勸進申鍾號遂加。襄國宗支方剗種。涇山草木亦戕芽。廉臺一役終淪喪。恃勇無謀足歎嗟。

前燕三世共二十七年。

慕容廆鮮卑人。慕二儀德。繼三光著。以慕容爲姓。爲晉平州牧。封遼東郡公。取遼東。獻遣歸城。頗

忠王室。賜丹書鐵券。

高辛遺裔紫蒙居。濟難匡時建節初。段氏尙功無遠略。慕容修德有嘉譽。龍驤江表勤王室。烏合遼東討賊渠。翼戴不衰誰竭應。青山亘古貫丹書。

慕容皝，虓子，初襲公，繼乃僭稱燕王，遷龍城，在位九年。

鎮軍承制奮英圖，屢於□強搆亂徒，囑□□擢平武遂，句驪國破，克丸都，城邊大石排峯立，山半雙龍解角趨，策命燕王雄海北，甘心戎藪每紆謨。

慕容儁，皝子，僭稱帝，據鄴，號元璽，光壽，凡七年。

鄴中州郡望風降，國璽傳來受命昌，舉事非常誠寡德，爲人承乏竟稱皇，玉璽像鑄興多難，銅雀臺營烈有光，自宴蒲池潛出涕，季龍齧臂暗驚傷。

慕容暉，儁子，年十一，卽位太原，王恪輔政，號建熙，凡十一年，爲苻堅所滅。

冲幼臨朝懼不任，周公居攝盡忠忱，枋頭戰捷桓溫沮，洛邑攻平沈勁擒，望去管蕭嗟失政，獲同劉石痛離心，遼東八十餘年業，號始僭號燕王，虓子武帝大康，回首龍城茂草深。

前秦七世共四十四年。

苻洪，氐人，劉曜以洪爲氐王，降石虎，以草付讖，姓苻氏，晉以爲廣川郡公，自稱三秦王，將麻秋鳩

死之，僭位一年。

家瑞蒲生夜雨池，武都盟長出秦氏，領侯撫部三千爵，擁衆窺關十萬師，劉石詎能窮智略，冉姚不足闕機宜，指辰欲定中州業，臨歿無忘振虎貔。

苻健，洪子，據長安，僭稱帝，號皇始，凡四年。

大熊入夢兆初年。勇毅真推弓馬便。軍濟孟津安堡壁。都開秦嶺茂人煙。紀元遂爾尊稱帝。下詔居然盛舉賢。廟社是營誇定業。美兼漢晉卜縣延。

苻生健子。止一目。嗜殺無厭。堅弑之。僭號壽光。凡二年。

天縱兇殘更不悛。瞎兒一淚戲刀鉞。忠良慘慘朝爲市。左右偷生日似年。鷄鴨殿中方活爛。魚龍海上已回漩。呂婆樓噪猶昏醉。神告先時若啓堅。

苻堅健弟之子。弑生自立。用王猛平諸國。忘猛臨歿言。寇晉。敗淝水後。姚萇弑之。僭號永興。甘露。建元。凡二十八年。

將軍神授履郊臺。卽位旋看紫鳳來。塞上鄧羌駢鹿手。師中王猛臥龍才。鄴宮奏績燕人殄。岷嶺銘功蜀道開。果是苻郎成霸略。知人司隸早驚推。蚩尤垂儆掃星旗。不聽忠言遂不支。淝水敗因圖晉室。長安失爲寵鮮卑。五將走死前勞隱。三豎乘危悔遲。景略若存難救禍。半由人事半天時。

苻丕苻登苻崇丕堅子。僭帝晉陽。馮該弑之。號太安。凡一年。登堅族孫。僭帝龍興。姚興弑之。號太初。凡八年。崇登子。僭帝遼中。爲乞伏乾歸所滅。號延初。凡一年。

晉陽僭帝敗襄陵。族子文高蹶復興。秦隴建壇殘旅合。瓦亭據堡衆戎憑。三軍豈有神兵助。六陌還看覆轍仍。乞伏縱救援繫好。延初不保痛堪矜。

後秦三世共三十四年。

姚弋仲，羌人，永嘉之亂，自稱雍州刺史，扶風公。石虎立，弋仲稱疾不賀。虎果召乃赴，後石祗尊號于襄國，以弋仲爲右丞相。臨歿，誡子曰：「我死之後，當歸晉，竭盡臣節。」乃使使降晉，表稱尊號，廟號始祖。

表聲漢魏，長西羌，振自扶風，勢益彰，襁負萬人，雄遠節，持累世護邊方，終依襄國，知恩厚，卒附中原，守義長，忠諫一生，風烈在高陵，爰卜後人昌。

姚萇，弋仲子，苻堅臣，弑堅，據長安，僭稱帝，號白雀，建初，凡十年。

一戰三原業已傾，請降低首國難輕，龍驤假號將興祚，馬牧招羌遂主盟，終看入關收舊隴，見謗執敵送新平，將牢七載誠多略，斬像軍中詎足驚。

姚興，萇子，征伐諸部，靡不率服，譯經禮物，奉師鳩摩羅什，并有秦涼，僭號皇初，弘始，凡二十二年。

敗登苻家盡喪師，笑他浪說折鞭笞，城攻東洛軍聲振，地略西涼貢表馳，議孝李嵩崇美治，啓謀碩德洽恩施，獨嫌羅什翻經盛，梵筴流傳異教滋。

姚泓，興子，骨月內難，強敵外侵，僭號永和，凡二年，爲劉裕所滅。

雄雉聲中兆禍秋，永和立國更無謀，蕭牆骨肉方中變，壁壘干戈又外憂，屢聽降旛傳洛口，徒教走騎逼橋頭，可憐佛念知劉裕，自決猶難正首邱。

成漢六世共四十七年。

李特宕渠人。據蜀。自稱益州牧。僭號建初。凡一年。

建初乘運霸圖開。巴氏元休勇略推。早識蜀關爲險隘。却嗤劉禪是庸才。引歸縣竹同讎合。轉戰官桑舊績摧。賴有前軍李雄能振武。益州虎視業重恢。

李雄特兄。稱成都王。尊僭帝。國號曰成。號建興。晏平。玉衡。凡三十五年。

口方如器目如雲。貴過三公迴不羣。帝號自尊爰僭位。官聯初定欲酬勳。范賢黃閣延居士。班孝青宮作嗣君。太息江陽謀亂速。刃推諸子痛糾紛。

李班李期班雄兄子。李越弑期。越立之。僭號玉恆。凡三年。

越也私行廢置權。改元又說玉恆年。方誅羅演矜驕啓。又寵田褒信用專。詐警邊書偏騎入。眞傾主座別宮遷。宋宣餘祭誠開覺。得志忘危亦可憐。

李壽特季弟。弑期自立。改國號曰漢。僭號漢興。凡六年。

廟改先朝號大成。漢興漫欲播英名。蜀都進襲謀誠得。晉室稱藩議不行。辟士枉教勞束帛。沂江何事苦觀兵。幽公爲祟偏難壽。天道由來最惡盈。

李勢壽子。僭號太和嘉寧。凡二年。無道。降桓溫。遂滅亡。

竊據成都閱六朝。嘉寧失緒滅崇朝。桓軍直指雙江水。漢卒全摧萬里橋。空說宕渠符讖十。徒嗟關市應

童謠，建康歸義家亡後，少女猶憐恨莫銷。

前涼九世共七十六年。

張軌氏人仕晉爲征西軍司，後封涼州牧，據姑臧，世篤忠貞，十二年，謚武公。

筮易初占霸者風，河西保據領西戎。常山家世追張耳，邊衛聲名埒竇融。紅水塞開河勢遠，姑臧城築地形雄。晉方多難堅臣節，十二年中自守忠。

張實軌子，晉封征西大將軍，劉弘之禍，被弑，在位六年，謚元公。

玉璽非臣所得留，長安賁獻効忠秋。遣兵屢盡勤王義，上表彌申奉主謀。一自山中妖術煽，遂遺輅下逆邪憂。靈鈞臺建空追痛，貞順當年獨寡儔。

張茂臨終囑姪駿曰：我家世世忠貞，汝勉之。在位五年，謚成公。

天梯禍起太披猖，立長陰元重守疆。最惜晉朝承刺史，可憐趙氏作涼王。秦州土關徒增置，隴上軍臨竟莫當。白拾入棺終抱恥，須知翊戴總難忘。

張駿茂姪，衆勸稱涼王，不聽。後乃置官，號儀如王者。疏晉北伐，能守忠貞，在位二十二年，謚文公。

涼王勸進始堅辭，車服終教擬上儀。霜雪非時曾納諫，春秋有事亦垂規。賓遐麗設佳人館，祈禱崇修王母祠。獨上疏言陳北伐，四朝忠盡尙無虧。

張重華駿子，嗣立九年，謚昭公。

河湟分郡業方新。紹緒西平詔屢申。抱罕驅兵先挫趙。上邽拔壘繼摧秦。却工博奕荒朝政。徒錫金縢近嬖人。謝艾手徵嗟事去。臨春寢疾暗傷神。

張曜靈張祚曜靈重華子繼位二月趙長等廢曜靈立祚曜靈兄也自稱涼王旋殺曜靈廢祚將軍宋混率衆向姑臧張琚等應之入宮遂殺祚祚僭號和平凡一年

趙長廢立擅持權得志寧侯用自專殿上迎神交語夕壇中郊帝改元年索孚斬後風傳檄宋混臨餘禍中鉞怨憤衆心徒召覺可知淫虐早達天

張元靚重華少子張琚等立在位九年諡沖公

七歲沖人賴翼扶虎生食肉剪無虞稱王詎收仍尊號作牧還教襲舊符既痛張邕方擅殺遂嗟純嘏又行誅忘言靖難須更主再看蕭牆害切膚

張天錫元靚叔弑姪自立在位十一年爲前秦苻堅所滅

請命曾煩詣建康苻強近迫實心懷佛毛鹿角災非一松葉楊枝異必雙宮內美人俱效死陣前將士盡迎降桓沖莫救涼州敗酒色荒耽自喪邦

後涼四世共十九年

呂光氏人其先出洛陽爲苻堅臣叛據姑臧自稱天王僭號太安麟嘉麟飛凡十三年

業繼婆樓本洛陽三河王更作天王龜茲克捷收羣部隴右咸綏據大疆雲護蒼麟金澤見風迴白鷺酒

泉翔弟兄若果承遺命涼祚應教卜世長

呂紹呂纂紹光子光在傳位僭稱太上皇紹在位一年纂紹庶兄纂紹位沈湎無度呂超弑之僭號咸寧凡一年

永樂誠非撥亂才猥居元首總疑猜臨喪排開勸方讓謀逆攻門事可哀獵喜變乘銜檄至醉昏禍自輓車來琨華劍擊同前轍不二三年天道催

呂隆光弟寶之子呂超立之僭號神鼎凡三年爲後秦姚興滅

操戈偏忌運屯邈神鼎稱元詔冊宣終憚二涼成近逼遂駭萬戶事東遷秦家歸命風方附興子連謀患不悛回首高陵十九載一朝屋社委荒煙

南涼三世共十八年

禿髮烏孤鮮卑人呂光臣自稱西平王據廣武僭號太初凡三年

河西都統奉烏孤士卒同袍馬飽芻五郡全收籌遠略三強橫瞰策先圖紛陁大將軍前寄趙振書生帳下趨講武務農鄰好結呂光安所限馳駟

利鹿孤烏孤弟又稱河王僭號建和凡二年

南涼始置尙書官不務虛名計久安移治已教城郭繕徙民還念室廬完英者咨政勤施切兄弟傳家守業難縱使秦強能固本徵賢儘許讓楊桓

儼檀利鹿孤弟先稱涼王。以姚興勢盛乃去號。獻款於興。尋復稱王。僧號弘昌。嘉平。凡十三年。爲乞伏熾磐所滅。

涼王機警據雄封。宣德堂前感舊蹤。乙弗孤征求遠部。熾磐近襲失崇墉。五經之表人何有。翻用章宋四海而遙身不容。正用傳檀失國後語莫罪虎臺偏墜緒。師行而順詎占凶。

北涼二世共三十九年。

沮渠蒙遜胡人。呂光臣起兵推段業爲涼州牧。尋弑業。遷姑臧。自稱西河王。僧號永安。元始。承元。凡三十三年。

沮渠本作段家丞。變召蘭門篡弑。仍張掖稱公。羣部懾。姑臧僧號要都。憑備藩東晉聲方遠。并國西涼廓更增。三十三年雄竊據。遊林談讌頗矜能。

牧犍蒙遜子。僧號永和。凡六年。爲拓跋燾所滅。

永和代繼守遺疆。卽位河西治北涼。修省或堪祈寢熾。盤游何不凜其亡。血流石像驚多異。字滿神書訝不祥。拓跋生降終斬祚。七年張慎久憂惶。

西涼三世共二十四年。

李暠胡人。段業以爲燉煌太守。自稱西涼公。據燉煌。酒泉。僧號庚子。建初。凡十三年。

奮跡燉煌氣埽霓。涼公聲振玉門西。二州領牧經方遠。六郡移書按部齊。學廣泮宮崇風厲。訓垂曲水盡

提撕。霸才亦自能圖業。索嗣何須更誚詆。

李歆李恂。歆爲子嗣位。僧號嘉興。凡九年。恂爲弟。僧號永建。凡二年。爲沮渠蒙遜所滅。

葛盤黃鳥。木爲妖。士業輕兵氣太驕。張掖昧機。驅騎卒。蓼泉喪績。墜宗祧。宋繇忠諫。悲當日。尹母慈言。悔昨朝。恂入酒泉。稱刺史。并遭屠慘。萬魂銷。

後燕四世。共二十三年。

慕容垂。號子初封吳王。以車騎大將軍。敗桓溫枋頭。威名大震。爲慕容評所忌。出奔秦。及苻丕敗。垂遂據鄴。僭稱帝。號建興。凡十二年。

枋頭戰捷。却奔秦。覆簣成基。復舊勳。鷹飽本將。沖碧漢。龍騰況更借青雲。辭苻遂定中山業。克魏還憐參合軍。一旅少康。關運數。嫉警景略。計徒勤。

慕容寶。垂子。出奔評。亦僭帝。中山麟又弒評自立。魏攻出奔。爾汗弒寶。僧號永康。凡二年。

濟世無才主。薊方輕兵。屢出勢更張。亡親一母。先行弒。竄亂三君。互自戕。可惜中山空失守。致嗟外邸竟罹殃。幸誅爾汗。龍城振。收燼還歸長樂王。

慕容盛。寶之庶長子。殺爾汗自立。慕容國之變。被弒。僧號建平。長樂。凡三年。

西陲盡出畫圖中。早識中郎鎮薊功。馳急赴哀。謀靖難。告成改號。制稱雄。十年討叛。遼西服。萬騎開疆。高麗通。何事禁牆嗟構變。卒教宵小亂深宮。